



05215

搏雲軒詞卷一

國朝
天
嘉興馬
汾澹于稿

滿江紅

寄懷陸桂舟客吳門

渺渺平江有逸客淹留輕別憶彈指吳宮舊事繁華消
歇步履廊空春草綠採香徑廢秋蟲咽想孤懷斜日倚
山樓憑誰說鴛湖外波流闊虎邱畔嵐光澈怎迷漫
雲樹離腸千結疎雨燈涼殘夜裏西風雁叫遙天未待
歸來對菊共持螯重陽節

揚州慢

寄懷莊雪塍官邢上

搏雲軒詞

卷一

一

煙月紅橋鴛鴦碧水雙魚未罄離悵看江山似繡跨鶴
彩雲中想東閣何郎到後梅花夢醒待寫春風記吟鞭
停處斜陽舊苑苔封幾行楊柳指長堤士女匆匆但
畫舫飛觴香燈射覆十里簾櫳贏得清遊如此都算宦
海仙蹤聽簫聲樓畔明年擬泛烏篷

南樓令

題樊桐山人苦雨圖

文望重西吳登壇壯氣孤快干將血影模糊紫塞黃河
遊歷遍恨歧路泣楊朱磨蝎困髯蘇生涯雪點鑪嘆
秋風茅屋都無縱使孤舟容駐足雨又橫竟何如

臺城路 寄懷陸桂舟

三年不見南來雁，銜蘆竟投何處海。國青山帝城絳帳，
別面幾番風雨。村連白苧，記酒盞詩筒，那時情緒一樣。
西窗夜深翦燭，向誰語。鄉關寥落，況味但眠餐似舊。
空惜遲暮，硯鐵無靈，囊金少福，爲問故人知否。瑤琴懶
撫，悵燕月吳雲，倚樓吟苦。好共梅花雪中，遙寄與。

憶王孫

寄懷戴壽泉

憶唱驪歌梅雨裏，烏兔速去流如水。故園有弟慰薑鹽，
代寄與平安字。江天黯澹，柴門閉風又雪，歲闌情味

壽雲軒詞

卷一

二

一燈昨夜夢盧溝，怪小犬寒村吠。

祝英臺近

聞沈鹿與近狀感賦

結愁腸，支病骨，短景迫冬。日仰屋呻吟，破竈冷風雪傷。
心阿母重泉，逢人慰問，便點點淚珠流血。壯懷奪兩
載，彈欵歌殘，拋卻草元筆。不信乾坤偏爾際，斯厄也思
將伯無忘闕干拍，遍柰一片寒氈難熱。

臨江仙

春分後五日檢澹川先生山左所寄詩草感而賦之

西州門外斜陽冷，五年不見詩翁。淒涼舊事耿胸中。岱
雲關雨吟稿託歸鴻。人去幾行遺墨在，粉牆分付紗

籠煙荒筆塚草茸倦飛瘦蝶也自怨東風

琴調相思引

過沈雲耕表叔寓齋

小徑微和試嫩晴芒鞋踏草叩柴扃落梅風裏聽得讀
書聲花座呼僮斟竹葉月窗留客展桃笙一池春水

照見此幽情

八歸

述懷

飛霜點鬢流波撩眼衰草遠映袍色塵寰四十年華近
任說翠蛾重埽好春難得閱世真同蕉鹿夢算幾個成
仙成佛正佇立我欲書空一雁下秋碧門外天寒落

梅雲軒詞

卷一

三

照枯桑風緊漸覺吟懷淒寂舊歡魂斷故人書杳又送
江干橫笛笑回頭萬事那便開樽把愁釋凝思處冷蟾
吹上著意相看姮娥應見惜

高陽臺

上元前二日青浦何大書田過訪并贈陳黃門集卽送之武林

霽雪光陰燒燈節後懷君幾度魂銷紙帳酣眠渾忘日
上梅梢林鶯喚夢新調舌報鴛湖虹月停橈認鬚眉水
部風流握手今朝江山曠代人相感喜黃門雅什梨
棗重標贈列牙籤短檠添炷深宵杯盤草草無多語恁
蒲帆又趁春潮黯離情吹過蘇堤絆住煙條

長亭怨慢

除夕寫懷

又償了一年詩債笑問銀缸甚時纔罷漸老椿萱頓長
兒女總牽挂米鹽凌雜憑兔管如何派且與醉屠蘇學
萊戲癡猷休賣 難再記童齡此日繡袴拜神廳靡金
錢壓歲論多少阿連爭賽恁彈指好夢模糊聽簫鼓翻
添愁在儘坐到更闌風觸簾鉤寒耐

水調歌頭

約錢卓齋南湖納涼

逃熱不知處幾夜夢橫塘綠楊陰裏蟬噪畫舫泊斜陽
隔人家水閣一桁珠簾齊捲驚起浴鴛鴦擲笛小橋坐
耨雲軒詞

卷一

四

風動葛衣涼 催歸去星斗上月昏黃劃波柔櫓伊軋
陣陣露荷香載酒漫追河朔祇說清遊如此好景未全
忘寄語北窗客何事傲羲皇

酷相思

答卓齋

看劍燈前投袂起奈短髮星星矣算今日生涯何者是
問我也愁城閉問子也愁城閉 忽拍闌干重自喜有
花月無人忌儘收拾吟箋閒處味便醉也休忘記便夢
也休忘記

念奴嬌

題號國朝天圖

宮鶯啼曉正柳梢露溼錦鸞催遺粉洗香窩眉澹掃睡
醒梨花春淺羽葆輕遮玉鞭遙指繡陌芳塵碾五雲深
處鳳樓晴旭朝暖 傳說那日官家風流絕世姊妹承
恩偏細問三姨緣底事放誕文君曾慣路轉金門手攜
象笏謁帝長生殿阿環來也笑聲吹落天半

百字令

題曹古香廣本九才集

朱霞天半歎羣仙去也風流誰繼贏得東阿才子筆繡
譜偷描燈底差擬題襟非關集腋疊錦篇篇是廣陵遺
響被君翻出宮徵 當年詔下黃麻詞人幾箇華燭金
樞雲軒詞

蓮賜回首蒼涼雲起滅哀笛深宵盈耳特典難邀名山
可待異轍還同軌他時壇坫瓣香重數鴛水

漁家傲

苦雨連絲梅熟候悶懷無計消昏晝坐臥沈吟如中酒
爭禁受氣蒸柱礎煙埋牖 著屐尋舟來渡口石橋浪
鎖河聲驟荻岸蘆汀蕪沒久君知否此中定有蛟龍走

繡停鍼

櫻桃花館小集酒半陸大蒔梅出情人所
贈香囊示客卽席賦贈

別恨積把甚物郎看錦箋同寄一顆香囊聽斷漏聲珍
重玉織親製碧窗憔悴囑早晚心頭常繫小庭忽墮征

鴻怎知帶來紅淚 春風那日地便佩著休忘已成彈
指聞道樊川朝雨渭城還許伴伊千里泥人輕遞惹四
座停杯爭起落花如雪酒邊者回須記

少年遊

春日同人遊南湖朱漁珊表叔招飲聚景樓

畫船啣尾蕩晴空四碧暖雲烘流水桃花斜陽燕子心
事問東風 歸來疑竹垂楊岸吹夢逐芳蹤春色銷魂
香醪解恨一樣者般濃

南歌子

歲序拋駒隙江天帶雁行平山樓閣暮雲黃辜負故園
禱雲軒詞

卷一

六

叢菊十分香 舊釀開銀甕新寒到紙窗料應未見那
時狂又好借人籬落作重陽

小闌干

雨夜懷錢卓齋

檐聲聽斷未曾休和恨到心頭陣陣酸風穿來窗罅欺
得木棉裘 拋他詞客吳涇路

卓齋館吳涇朱氏

燈影讀書樓

料是今宵也應無寐儘著替春愁

壺中天

時大彬方壺爲張叔未作

方平何處悵十二壺好風流雲散

壺係王幼扶先生故物

劍氣珠

光終夜旦碩果摩挲吟館形仿坤輿色分坎位搏埴良

工擅誰將春買蜀岡初放青眼
凝想畫靜簾間濤聲
沸後碧乳傾伊滿知否相如常病渴賦筆年來都懶寄
語園丁待呼艇子溪上敲雙扇鱸煙輕賜藥闌花榭尋
遍

鷓鴣天 題陶上舍春遊圖

野店青帘隔岸招纔聽社鼓又錫簫水村山郭斜陽路
小杜吟魂一例銷 歸去也月初高背馱花影過溪橋
惜春有客年來甚獨對東風首重搔

臺城路 題朱桂軒遺稿

暮雲軒詞

卷一

七

一簾霜月人孤坐驚心又吹鄰笛白雪吟殘紅塵夢破
回首淒涼今夕雲箋笑擲記吳苑花朝澗湖寒食管領
春風冶遊佳句錦囊得 嗽嘈檐外翠羽贖黃荃粉本
香散瑤席大地茫茫浮生鼎鼎如此清才應惜幽居咫
尺問燭地西窗夜深誰刻九曲溪頭逝波空望極

百字令 歲暮感懷

凍雲潑墨正蒼莽莽殘冬光景日坐書堆書懶看寒
擁蒙茸一領避債無臺催租有吏心事終宵耿朔風吹
暮鴉聲門巷三徑 休說煖閣圍爐梅梢壓雪豪氣添

吟興自笑頻年忙不了辜負前村香影落拓生涯炎涼
況味閱歷都憑準唾壺敲破悲歌搔首誰省

金縷曲

題胡瘦山填詞圖

認得屯田是笑平生風流綺語懺除還未寒玉萬竿苔
一片小坐斜陽影裏把舊恨新愁提起都分傷春傷別
慣儘銷魂寫遍雲藍紙三徑杳竹爐沸 消磨花月知
音幾最無端樽前燭灺大呼狂醉天若有情天亦老問
爾香飛筆底聚多少鮫珠清淚紅粉青衫憔悴感算年
來我更茫茫耳人去也那堪記

耨雲軒詞

卷一

八

百字令

沈江田先生歸自令弟豐潤署中感懷賦此

雙溪凝望正枝頭鵲噪凍帆初卸兩載燕臺緣底事春
草吟情牽惹張翰蓴鱸杜陵茅屋此景難拋捨亂雲三
徑早梅香動開乍 爲問倦眼風塵旗亭畫壁誰主騷
壇者一慟歸來尋舊侶落日空堂南野 謂淡川先生 白髮嗟
公青衫笑我淚灑盈同把酒杯休放西窗燈翦深夜

買陂塘

題西湖訪秋圖

問詩人撥煙拏艇尋秋秋在何處六橋楊柳蕭疎甚禁
得幾番風雨留不住又弄影紅衣半夜拋香去青帘漫

舞榭那日花鈿便扶殘醉已少冶遊女 斜陽岸還認
裙腰舊路芳情消減慵步雲峯淡埽雙螺翠冷感鏡中
眉嫵芳草護歎小小墳荒淒咽涼蛩語蘆汀蓼渚想棹
月歸來船唇撥笛定有斷腸句

浪淘沙

題照

涼意月昏黃夜寂更長幾株衰柳不成行指點潮來風
起處一片蒼蒼 小艇泊橫塘夢醒鷗鄉江湖塵跡閱
星霜輪與詞人歌水調只爲秋忙

解佩令

送徐可叔就館武林

梅雲軒詞

卷一

九

綠蒲杯罽紅榴亭榭悵詞客離帆催挂幾日流連仍未
快翦燈深夜怎年年替人作嫁 湖船泛罷江樓登乍
看吳越青山如畫旅榻同眠喜亂髮凝兒黃霸且捱過
竹梧長夏

六么令

過殷雲樓別業

日長村靜野屋延清曠梅雨乍晴時候蛙鼓喧溪漲不
似相如四壁卻有蕭間況一庭濃綠窗間點筆灑地林
風動書幌 呼弟呼兄爾我眠食都無恙商畧安頓餘
年但埽心頭障默數晨星幾箇雲海添惆悵柳湖煙艇

孫郎歸也

謂嘯秋

河朔杯團酒須強

透碧霄

題戴丈畫竹爲徐可叔表叔作

碧琅玕颯然風捲墨花寒此君故在主人何處挂壁重
看聽鷓去後村荒白苧零落衣冠賸捎雲尺幅仍完想
籜龍起舞描伊疑活翠衰闌干 訪柴門約畧溪橋橫
跨駟馬舊名刊丈居駟馬橋南白苧村絳帳高青甌冷休問仲叔
豬肝粉榆故老邛園妙繪得也應難妒珍藏城北吟壇
對萬千个字三兩牀書歲歲平安

滿庭霜

題朱桂生白硯環圖

壽雲軒詞

卷一

十

花折連枝禽摧比翼黯然重到簾櫳人間天上消息夢
難通豔說温家玉鏡怎回首眉案塵封銀釭爛茶湯佐
讀曾聽五更鐘 雲梯勞盼望荷衣未換硯墨猶濃便
珮環有約事已朦朧誰曉安仁作誄長夜伴霜月孤鴻
淒涼甚鰥魚況味振觸白頭翁

孤鸞

吳列婦墓

落帆亭古指宿草煙蕪一抔芳土每到清明夜夜杜鵑
啼苦淒然瘞香葬玉紙錢灰問誰燒與比似空樓燕子
更添人悲楚 有柏舟鄰塚金釵侶想碧血同埋泉臺

酸語片石苔碑大筆幸留燕許村娃幾番鬪草也傷心
墓門風雨爲屬女貞須種伴開邊杉樹

蘇幕遮

過戴壽泉貳尹春水居卽送其謁選

徑三三溪曲曲柳外東風吹影窗搖綠漫數閒居幽夢
獨轉過花汀便是儂家屋 小橋橫新雨足打槩尋來

鷗鷺都相熟話到天涯分手促明月無情也戀灘邊宿

摸魚兒

題黃錫泉明府蘆花淺水圖遺照

弄悽陰半灘蘆雪拳沙鷗鷺偷眼扁舟容與拏音去漠
漠水平天遠涼一翦正薄暮橫塘人靜菱歌斷溪橋路
轉雲軒詞

卷一

十一

轉也不識風波何須書畫任爾櫓枝便 當年事聞說

栽花滿縣閒來吟稿堆案菹鱸歸興江湖夢賸有訪秋

圖卷泡影幻悵此日襄陽耆舊晨星散

并感姚蘆涇錢百泉許松亭留

題諸先生浮雲亂捲認翠岫模糊冷風蕭瑟收拾酒壚畔

陌上花

晚春

楊花如雪東風飄蕩著伊何處恨殺啼鶉抵死勸春歸
去冶遊縱有芳樽約一錯六州誰鑄問青山綠水甚時
消得者番愁緒 看莎階鳳子尋尋覓覓到殘香猶
舞怎底闌干不把夕陽圍駐隔牆拆了秋千架冷落碧

紗窗戶況潘郎老矣更無才思綵箋題句

剔銀燈

題葉瓶山明經燈下填詞圖

耐過黃昏時候吟屋一燈如豆花影雛窗角聲雉堞陣
陣輕衫寒透沈郎腰瘦研鸞牋豔情拖逗 著想便空
還有夢去簾櫳依舊黃葉西風綠波南浦描出春三秋
九今宵酒後聽新歌小鬟香口

風光好

江頭晚步

怕秋風愛秋風吹老江邊一樹楓比春紅 煙梢帆影
西興渡山山暮打破胸頭恨萬重有霜鐘

樗雲軒詞

卷一

三

八聲甘州

爲茗溪徐尹諧傷逝作

奈西風落葉一庭秋抵死更哀蟬記瓊窗對影銀燈佐
讀髣髴當年不道比肩人去舊曲咽冰絃破鏡渺何處
明月空圓 盼斷天寒翠剩幾竿修竹泣雨顰煙聽
呱呱雛鳳徹夜枕函邊嘆尋思哀吟騎省枉萬千絮語
訴重泉登樓望遠峯凝黛祇益悽然

一斛珠

題桐蔭吹簫圖

碧梧秋早已涼庭院幽尋好支牀小坐延清眺別有情
懷未許人知道 枝上蟬聲催夕照藥鑪經卷都收了

紫瓊搗破麻姑爪廿四橋邊舊夢風吹覺

踏莎行

苔

色潤鸚哥文沿蚪斗冷清清地何人繡一番漸欲上階
來閉門細雨今年又 屐齒留痕裙腰比瘦落花紅點
風吹後阿誰翡翠墮輕釵碧雲滿地追尋久

龍山會

九日感懷樊桐先生

一晌情懷惡不爲悲秋懶赴登高約草堂成獨酌任籬
畔幾朵幽香寒撲斜日下頽垣悵有客九原難作聽淒
聲西風老樹攪檐吹落 遙思杜甫當年醉把茱萸愁
糶雲軒詞

卷一

三

入江城角新霜雙鬢著怎游倦歸去更添蕭索恨事話
燈邊離騷句傷心曾託莽擡頭浮雲黯黯眼枯誰覺

一翦梅

郊行

一片春蕪繡不成花弄新晴鳥弄新晴幾家門扇柳枝
橫纔到清明又過清明 作煖東風撲面迎水際行行
陌上行行頭銜自署太癡生切莫關情偏要關情

菩薩蠻

芭蕉葉戰流螢墮紙窗明滅銀釭火不信這般涼作秋
風雨忙 暗蟲初到耳月黑茫茫裏滋味又愁邊草堂

人未眠

里 瑤花慢

沈江日先生出示梅花惆悵詞索賦此闕

天寒日暮縞袂重逢記凍帆歸乍頻年盼斷喜小立依舊水邊籬下無端催別又遠道征鞍經跨正酒冷倦客登樓夢裏姍姍來也 驚心尺素緘愁悵鉛淚凝珠零落清夜山空鶴怨怎月底步出水魂都化吟屐瘦甚忍更問瓊瑤臺榭只換得一曲旗亭兩鬢新霜飛惹

醉翁操

魏塘秋泛夜宿田家

林梢蕭蕭風高櫓枝搖塘劫扁舟泛秋迎涼潮作花蘆

壽雲軒詞

卷一

四

雪晴飄過板橋野店酒帘招幾株楓染紅欲燒 采菱影散歌歇嬌嬈薄寒漸逼依舊年時微袍垂柳疎兮煙條短草悽兮霜皋斜陽村舍茅歸鴉尋空巢白板試輕敲殺雞爲黍憐此宵

玉漏遲

寒月

凍雲天半掃冰盤挂角風檐寒峭照影枯枝最苦鵲飛空繞爲問霜街柝靜叩古寺何人尋到塵夢覺河山萬里冷煙籠罩 夜深獨倚樓頭聽曉角嗚嗚殘燈孤悄茅店荒雞曾記那時羈抱有客攜鋤雪裏倚苔砌梅花

開早驚歲杪貪看者回圓好

摸魚子 秋闈被放作

捲疎簾半林黃葉蕭蕭秋老庭院新寒漸逼歸鴻後作
去 冷雨昏燈暗吟稿亂似獨處班姬五字悲紈扇鶯花
夢斷任別樣蛾眉妖鬟互鬪儂愛遠山淺 淒涼事記
得紅襦繡綫何曾辭卻春懶瓊簫寶瑟霓裳舞肯讓月
宮釵釧天不管嘆對影深宵玉鏡臺空掩蓮籌數徧况
塞雁呼雲砌蛩泣露各自訴清愁

虞美人 暮春新晴

壽雲軒詞

卷一

十五

風風雨雨春狼籍閒殺尋春屐傷心不見玉田翁 感江田先
生 忍聽今宵杜宇月明中 有情纔信無情人亦知
春老斜陽西下水東流獨自鉤簾替與落花愁

念奴嬌 過沈土舍南湖書屋

子規啼罷喜征衫塵泥歸來江國卜築鴛湖門兩板花
影晴梢吟席蹟比三高詩傳八詠幽夢耽泉石擁書南
面幾生修到清福 聞道匹馬從戎魚腸夜嘯殺氣屯
雲黑勘破封侯名亦假肯把光陰虛擲蟻蠶招朋鼈磯
垂釣此樂人生極朝川非遠可容頻訪朝夕

惜餘春

歲癸亥古香客廣陵紅藥開時匆匆旋里惜其未一遊賞也賦此調之

廿四橋邊重三節後乍試芳田春豔香茵藉翠畫檻偎
紅誰說杜郎遊倦江上歸潮暗催帆挂東風水流天遠
悵名花名士偏逢張角者般綠淺呼小字生怕將離
無端輕捨笑殺窺人鶯燕吹簫院落被酒光陰作去弄
雨飛雲散回首蕪城路遙聞立夕陽幾番吟斷倩翩翩
孤鶴今宵幽夢跨伊尋遍

壺中天

曠日戲作

春歸蓬巷聽一聲爆竹冰腸都煖簫鼓迎神還祀竈繡

褥雲軒詞

卷一

六

閣幾家粧倩穎士呼奴康成喚婢餽節挨親串座添三
友膽瓶清供堪玩看他銀燭華裯團欒兒女綠蟻深
杯勸紙上高曾留色笑持壁風吹香篆壓歲分錢隔年
漬米癡騷吳儂慣騷壇應祭阿誰吟稿堆案

點絳脣

乞水仙

微步凌波昨朝瞥向江皋遇未通幽愫月底空凝佇
爲問瑤姬肯伴騷人否相思苦東風作主不怕梅妻妒

賣花聲

四闋同古香作

麗景爛晴霄煖意今朝春魂春影筆難描祇覺圍花兼

巷柳分外妖嬈 芳草碧迢迢 一路傷簫斜陽紅上赤

闌橋醉夢光陰金粉地 愛殺南朝

春晴

天影入冥濛 煙霧漫空 帶來芳信 滯歸鴻 容易黃昏燈

欲上何處簾櫳 遠岸隱孤篷 遮斷螺峯 河山潑墨米

家工有約 尋春春不見 閒卻吟筇

春陰

吹起陌頭塵 蕩漾青蘋 一番花換一番新 草閣茅堂招

亦到不爲嫌貧 輕燕掠波頻 碧鰓魚鱗 隔牆笑語遞

芳鄰消息 年時誰管領 只有詞人

春風

敲枕不成眠 瑟縮燈邊 開窗明日定悽然 如此溪山花

釋雲軒詞

卷一

十七

又落耐得愁煎 和淚灑江天 滴入重泉 鶴鴿原上草

芊芊

余弟初
去世

唱徹愁霖 腸斷句寒食今年

春兩

風蝶令 題淡雲春曉試粧圖

夢斷紗窗曙 香拋繡被 溫矇朧 星眼怯朝暾 背向粧臺

細把鬢雲分 粉薄凝微暈 脂融上小脣 簪花不愛入

時新 留得遠山描 取待情人

虞美人 合昏花

交枝接葉紅闌護 簾外香微度 一雙癡蝶占黃昏也向

花間栩栩夢行雲 多情生受佳人 寵畢竟 風流種海

棠寂寞到而今誰問斷腸和露泣牆陰

疎影

題褚坪芝夜讀添香圖

攤書淨几正畫闌月上花影搖地理罷瑤琴環珮來遲
細把玉鑪香遞東風翦破疑煙碧漸散入綠楊陰裏看
鳳鞋悄立蒼苔不覺露霑衣袂曾記熏篝逗暖小樓
聽雨處香浸鴛被底事檀郎慣對青燈忘卻江南春思
湘簾寒透輕衫薄問半臂今宵添未柰等閒一刻千金
又是漏聲催矣

望江南

餞春

耨雲軒詞

卷一

六

春去也問爾究何之九十韶華空似夢萬千心事亂如
絲訴與落梅知

春去也笑爾太匆匆不解炎涼惟燕子最無憑準是東
風難繫夕陽紅

春去也送爾逐東流已分隔年曾踐約爭禁半路不回
頭明日莫登樓

春去也怪爾不情長斷送青樓狂杜牧拋離畫閣舊蕭
娘爭忍再思量

齊天樂

蟋蟀

夜涼燈燼西堂悄。聲聲暗蟲交。併雨滴空階。風欺敗壁
絮。徹更殘。人定漫天露。冷憑憑。憑訴盡。煩憂慣。栖苔徑。只有
兒童撥輒尋。穴向伊聽。闌干曾記。獨倚正。疎林月落
籬畔。相應絡緯池塘。芭蕉院宇。贏得淒涼。秋病繩床。一
枕恍。譜入哀絃。驀然驚醒。看取明朝。雪添雙鬢影。

東風第一枝

題陸秀瑩葑梅書屋圖

結屋藏書。栽花當友。雪霽江南春早。一枝香逗。空山幾
樹影。窺曲沼。芳魂孤寂。趁放鶴歸來。閒眺想。伊人偕隱。
忘年獨閉。小門深窈。修竹外。風清蝶杳。瘦石畔。月明
暮雲軒詞

卷一

七

煙裊夢醒。翠羽驚啼。好待巡檐索笑。才分水部。更寫出
冰腸多少。可容我。踏凍頻過。盡把此中塵掃。

浣溪紗

七夕

絡緯蕭蕭墮井梧。一天風露碧窗虛。微雲淡月影模糊。
茉莉香簪新浴後。鳳仙紅搗嫩涼初。人間今夜更何

如

釵頭鳳

題李篁園先生意香閣詞

花生管雲堆硯。翦紅裁碧。青蓮擅春燈。小秋蟲攪暗翻
宮徵。豔魂偷早悄悄。湖山遠。年光換白頭。歸賦聲

聲慢相思鳥將離草酒邊人道妙妙妙

風蝶令 送陸蒔梅入都

紅雨江南岸青山冀北天馬啼帆腳路三千未聽離亭
風笛已悽然 擺脫尋香夢飛揚入洛年一樽併作餞
春筵記取今宵分手月初絃

摸魚兒 病中送春

聽園林一聲啼鴉驀然春又歸去落花飛絮和天遠況
值連宵風雨愁望處嘆綠葉成陰已把游踪誤斜陽少
住問賭酒旗亭雲箋共擘此日甚情緒 關山路遙想

壽雲軒詞

卷一

三

征人疑佇悲歌如怨遲暮紅樓翠館經年別更有傷心
誰訴君莫數算流輩無聊未抵余生苦芳期暗度奈病
似維摩腰寬沈約幽恨滿南浦

念奴嬌 題明妃夢還漢宮圖

黃金羞買縱君恩易歇天涯猶戀幽恨一窗花月冷寂
寞東風春倦寶枕神遊鸞釵香撒願作迎秋扇關山飛
度不愁霜角吹斷 曾記馬上琵琶平沙雁落淚灑穹
廬遠爲整蛾眉重入隊隨分三千魚貫永巷苔深未央
鐘曉恍惚珠簾捲游絲飄颺直教生死離恨

百字令 送褚坪芝入都

一湖香氣趁棟花風煖蒲帆催挂枝上鶉啼春欲去併
入離愁難解酒盞頻年吟箋幾疊不盡分襟話今宵明
月還應飛照天外 多少索米長安黑貂黯敝賦稿相
如賣君向黃金臺畔週爲我深深虔拜壯志消磨孤懷
零亂掩面眞無柰浮雲極目遙山晴翠橫黛

滿江紅 燈鶴

月暗風高快一紙飛騰輕絕更密綴華燈幾點火珠明
滅疑挂玉繩誇彩豔好隨朱鳥爭飛捷喜封姨吹送紫
壽雲軒詞 卷一 三

金毬登天闕 兒童興憐渠切雲霄志看伊熱記欲垂
還起昏黃時節影轉瓊樓鸞鶴現光搖桂殿琉璃徹替
仙家留照別離愁銀河側

減蘭 溪上見桃花

盈盈不語寂寞官橋寒食路小朵春腮強對東風一笑
開 情根難徙玉砌雕闌空位置前度劉郎舊事回頭
已渺茫

前調 題佛手

拓開天宇早識靈根來淨土孤掌難鳴只合拈花笑向

人 妙蓮香裏彷彿頭陀參密諦大衆夢夢曾否能援
苦海中

金縷曲 代簡寄周大廷獻客歸德

慰爾天涯願喜今年江鄉歲稔倚閭人健賴有鹿門妻
子在著意萱幃寒煖但薄采陔蘭綫瓣驢背船舻烏兔
速恐枝頭杜宇頻頻喚雙鬢影暗偷換 登樓縱目孤
城晚問當年睢陽遺蹟可曾尋徧半壁河山餘戰壘落
日黃沙撲面都收拾草窗吟卷鴛水無情流不到訴相
思盼斷征鴻便風雪路夢中遠

壽雲軒詞

卷一

三

前調 寒食感賦

枝上鳩聲苦恨今年江鄉冷節又逢風雨迷望郭門魂
欲斷芳草白楊古墓但竄逐荒郊狐兔滿地紙灰飛不
起總杯盤難到重泉路空躑躅忍回顧 半生哀憤憑
誰訴儘馳驅名場利藪一抔黃土多少癡兒渾未解脊
汗朝朝暮暮便任爾晨鐘撞破瑤島金丹何處覓況無
情白日堂堂去春夢短紙窗曙

賣花聲 本意

蜂蝶鬧新晴花滿江城阿翁擔去忒多情行過小橋深

巷裏喚起春醒 繡陌午風輕
驀地驚聽算來都半玉
人名觸我閒愁難料理又近清明

奪錦標 送伊四公子鍾昌入都秋試

天上仙童人間貴
青早歲翩翩如此幸際清時科目破
壁而飛及鋒而試趁花明柳暗便鶯燕都應歡喜唱離
歌解纜鼇磯畫鼓頻搗津吏回首春波雁齒

春波橋名玉

笛吹殘兩岸斜陽紅膩記否趨庭對洗硯池邊挑燈窗
裏羨風流小宋步雲梯今番伊始有難兄詠罷霓裳月
殿香分子季

壽雲軒詞

卷一

三

長相思

花半庭月半屏人在紅窗夢未成
曉寒一翦輕撥殘燈數殘更
纔到天涯又喚醒枝頭杜宇聲

浣溪紗 寒夜街行書所見

玉宇高寒朔吹凌石橋
踏蹬暗霜凝夜深歸去酒初醒
吹巷犬驚敲月柝賣餠人擔閃
風燈幾家樓上翦刀聲

聲

漁家傲 題似帆照

家住南湖楊柳岸
捕魚撈蟹鄰居半
白板門開煙水遠

臨淵羨一竿來往扁舟便 放鶴洲前斜照晚冬春黃
米蘆中爨鷗鳥無心堪作伴風月滿紅塵勘破誰拘絆
買陂塘 白蓮和李旭齋日華

渺澄波一湖香氣花開知在何處妙蓮世界空無著只
有冷雲來去嬌欲語慣獨立秋江不許紅塵浣銀塘夢
破怎月底含愁風前倚恨偏惹浴鷗妒 平橋外斜日
微聞喚渡歌聲涼曳煙浦斷腸打槩人如玉兩地誰傳
心悵期莫誤怕水佩飄零送到三更雨吟懷最苦正消
夏灣頭碧筒醉後要爲雪兒賦

椿雲軒詞

卷一

三西

水調歌頭

中元節夜紀所聞

風露浩如此涼月更娟娟惱人哀蟬絮戶併入哭聲煩
幾處香花鈴鉢咒請魔王冥界法米撒無邊故鬼又新
鬼飄忽反家圍 任天壽任苦樂共黃泉怪鷓鴣蹲屋潛
喚燭淚滴靈筵莫說天長地久休問恩深愛重幽鉢化
空煙漏盡籟俱寂紅日一輪懸

百字令

題王存齋遺帖爲令弟松谷作

墨花寒凍悵年華如水鷓原霜早回首西堂風景換空
曠雪泥鴻爪繭紙鉤銀兔毫畫鐵玉匣同珍寶摹碑三

徑卯君前事能道 聞說榻下東陽蟾蜍伴蠹揮遍羊
裙好一領青衫餘傲骨筆塚荒煙衰草大地茫茫浮生
鼎鼎我亦徒悲嘯且呼難弟拜題完壁歸趙

夢橫塘

題夢遊江南圖

看花春病殢酒朝醒別來心事無限只有吟魂尚許叩
題詩窗扇宵冷簾垂漏沉燈細枕邊低喚訴離愁恁苦
一霎鴛棲還應謝東風便 依稀杜牧揚州記簫聲月
影廿四橋畔醒後茫茫空合貯淚珠盈串想塵世雲踪
雨蹟地老天荒此情斷說到零星鬢絲禪榻惹有人悽

釋雲軒詞

卷一

五

感

柳鶯曲

越調

愁怎拋又花朝一簾風兩人寂寥鶯舌難調柳眼誰挑
何處賣錫簫 文窗寒閉樓高繡旛溼挂林梢韶華驚
夢影心事逐江湖傷春淚滴青袍

百字令

題楊補凡先生所藏蓬心太守山水畫幅

山空泉咽賸當年畫稿文章賢守楚水巴江吟魄杳尺
幅冷餘秋瘦顛米雲煙髻蘇邨壑一椽寰中壽幾時仙
去展圖香溢襟袖 聞道額手花前南豐薺祝別有逃

禪叟清秘排籤高閣迥儘爾消磨晴晝騷客聲華富公
歲月能事今逢又漫防寒具小窗完璧珍久

前調

題藹亭月當樓圖

撥開雲霧正疎簾高揭冰蟾遙對狂笑元龍誇百尺卻
少比肩同倚碧海沉沉青天宵窅風露三更矣憑闌低
語素娥聽得能記 傳說冷畫江楓年時索句麗筆推
敲細玉宇瓊樓梯可上凝想前身情味握手鴛幃當頭
鸞鏡萬古常圓美夜寒無那並棲烏鵲驚起

前調

採樵圖

暮雲軒詞

卷一

三

林深雲暗聽丁丁響徹空山人靜五月披裘啗未見猜
是心腸都冷樹杪猿啼欄邊虎嘯破寺殘鐘應幾家茅
屋半竿斜日催暝 休道此路崎嶇芒鞋踏慣絕少塵
中筭卻與桐江持釣客一樣蒙茸相稱小憩松篁開尋
風月自昔埋名姓行歌誰答換來村酒消領

柳梢青

春寒同改吟二槎作

社鼓萼萼輕陰作弄日淡朦朧柳困含顰花愁歛笑蝶
倦蜂慵 繡牀猶擁爐紅緊關了紗窗一重悶拂蠻牋
忙抽兔管細罵東風

入聲甘州

當湖柯小坡顧蓉坪鶴湖黃鶴樓過訪賦此卻寄

驀吹來仙侶叩林扉倒屣笑匆匆正梅霖初歇桐花灑
地藕葉飄風記里塘分漢魏騷席各爭雄開徑望三益
果是雲龍不分雪泥留印又天高水淨拍翅西東嘆
飄螢墮簡此事已成空莽乾坤攀嵇締阮算百年有幾
快相逢沉吟久聽新蟬唱夕照簾紅

青玉案

深柳讀書圖

草堂僻在深深處指萬綠垂楊樹玉軸牙籤紛杜庫歲
歲年年風風雨雨耐得埋頭苦支頤一榻斜陽暮人
壽雲軒詞

卷一

三七

倦讀黃鸝語三起三眠花作絮紅棗齏餅碧雲窗戶定
有神來去

買陂塘

題岳餘三闖紅一舸圖

撥蘭橈一湖晴碧柳陰深處涼好紅衣冉冉香勾引可
許幾人尋到雲水渺喜小倚篷窗萬縷風枝裊溪迴路
悄伴鷗鷺閒眠鴛鴦戲浴隨意但歌嘯煙波淨繪出
詞仙畫稿蘆灘蘋渚秋早平生本有江湖興儘爾泊舟
吟眺還自笑笑鏡裏朱顏綠鬢何曾老林塘夕照漸玉
兔東升花魂欲現恍惚夢初覺

高陽臺

黛簇青山穀皺碧浪曾經此地魂銷簾押承塵小樓月
照無聊春江桃葉知何處話當年詞客停橈指雙星瓜
果筵闌對影良宵西泠載得春歸去恨雲收雨散花
落風飄回首朱闌後時再聽吹簫玳梁肯擲黃金換贖
文姬一樣情高快披圖儒將丹青寫入秋毫

青玉案

一湖澄碧環煙墅更風柳絲絲舞著個幽人耽隱住靜
知魚樂暇尋鷗侶吹笛撻船去遙山幾疊江天莫看

耨雲軒詞

卷一

天

畫出芳洲路我若來時君見否償還詩債買添漁具閒
把叢書著

春風嫋娜

送春舟中同曹種水作

甚啼鴉催別歲歲今朝芳草波綠楊橋櫂輕舟悵望急
流東去一般難挽揮袂魂銷玉笛吹愁瑤尊團座爲語
林紅休浪拋野墅煙光莫寒起離亭風色夕陽描空
憶尋來小徑盟香贈句話前事轉益蕭條襟淚溼鬢霜
飄人生幾度花下情豪匝岸清陰眼看都好樹猶如此
更怕無聊昏黃歸路奈淒然酒醒回頭夢裏水遠山遙

百字令 賀唐稼農夫人五十初度

清風簾幙正秋光如洗黃花閒候從古能詩巾幗少譜
系東陽人瘦苔蘚鋪茵松篁寫韻杯泛流霞酒冷金牋
好一燈閒對紅豆 曾記夢筆江郎題襟接席眞我平
生友太息軍門歸未得雁叫霜寒吟裏畫荻教兒鳴機
課女柱石闈中有蕭疎庭院那時春到依舊

百字令 春盡日江上遲古香

思君時節正篷窗獨倚送春歸去知道相逢明日是轉
怕來期偏誤已老鶯花不成櫻筍更欠杯同舉大江望
擣雲軒詞 卷一 无
極那堪煙水雲樹 聽斷巢燕林鶯餘寒料峭孤艇沙
洲莫難得萍踪飄又轉吹到故園吟侶好夢青樓濃香
紅藥重唱姜家句萬千心事一鐙敲枕容訴

此詞大忌單門詞宋極難和極妙自吳曾始難其詞
後一極此性甚豆 曾說極難求極思香其詞極
系東陽人瘦苔蘚鋪茵松篁寫韻杯泛流霞酒冷金牋
好一燈閒對紅豆 曾記夢筆江郎題襟接席眞我平
生友太息軍門歸未得雁叫霜寒吟裏畫荻教兒鳴機
課女柱石闈中有蕭疎庭院那時春到依舊

梅雲軒詞卷二

嘉興馬 汾澹于稿

永遇樂

送徐薊林入都

纔送春歸又教送客綠陰遮徧單袂衣裳短長亭子斜
日鷺湖岸薔薇花褪荼蘼花放陣陣棟花風暖祝輕裝
船脣驢背看水看山人健 年華代謝文章知遇比似
孤桐投爨莫話從前休占此後償爾平生願漫拋老友
驪歌催別更聽柳鶯啼倦只凝望金臺市駿尺書快展
百字令 花朝前二日晤李大金瀾頌年別面獲見甚歡振觸前塵又增惘惘驚馬齒之加長

梅雲軒詞

卷二

一

紀鴻爪之留痕有不能已於言者感賦此闋即贈金瀾

麴塵波暖喜吟帆吹到花朝時候別久相逢歡倍劇況
是客中攜手傾倒詩篇流連風月好約而今後小園春
開拂牆紅杏開又 曾記傅粉年華新妝鬪豔夢醒空
搔首絲竹陶情容我輩怕說江潭衰柳放眼青山嘔心
白雪且盡杯中酒醉來看劍漫嗤書咄狂叟

齊天樂

嘉慶己巳夏得鴛湖范氏所藏草廬宮簷

手鈔宋元詞四卷卷八十頁凡三十二家
措法瘦勁爲宮簷歸田後繕本煙雲過眼不勝
慨然范氏宮詹女也

蠹魚不食神仙字驚心絳跗高閣樂府傳燈詞林秘笈

象罔元珠潛握青箱賸著伴玉鏡犀梳左芬香幙試按
新聲好尋三十二家學 開編似聞欬唾喜蠅頭腕底
遺墨猶昨待 詔燕臺歸田秀水碩望文章喬嶽前塵
約畧賸故紙排籤寶逾荆璞靜對湘簾漫催花片落

賀新涼

題黃錫泉梧亭銷夏圖

疑到蓬瀛路敞虛亭風來四面此間逃暑梧葉招涼蕉
弄碧黯入簾陰欲雨早十丈驕陽遮住小坐披襟吟倦
後正香飛鷗沼紅衣舞蟬曳響別枝語 一官且換閒
居賦湖樂事仙人眷屬杜陵詩句竹閣彈棋苔石釣局
糝雲軒詞

卷二

二

內輸羸漫賭更非我非魚同趣回首黃塵車馬道笑年
時幾把青山誤清夢穩者村墅

金縷曲

題稼農梁園紀事詩後

銷得當筵恨倚春風花天酒地客懷誰問落拓江湖詩
卷在忘了書生福分許對歌場紅粉醉喚桃根桃葉坐
怕憑肩偷看星星鬢銀燭短意難盡 驂駟底受鹽車
困算何時腰圍玉帶肘懸金印我識唐衢原善哭幾度
青衫溼褪託綺語重舒悲憤回首梨園花月夢賸新詞
傳寫旗亭本憑聽取紫簫引

八聲甘州 邗上客感

怪東風吹夢到邗溝黯然別家難況桃花零落楊花飄
蕩又是春殘日莫杜鵑啼切陣陣小窗寒只有孤燈伴
誰問眠餐 已分生涯如此話少年意氣拍遍闌干更
幾番傷逝不許淚痕乾前年遭鵠原之變繼賦悼
亡去年又痛長男暴卒任勾
留簫聲明月肯便拋鴛水舊漁竿聊排悶強裁書寄報
我平安

摘紅英 鳳仙花

秋庭小秋涼早豔攢葉底紅毬好香銷鼎梳拋鏡鷓見
靄雲軒詞

卷二

三

飛來畫闥閒凭 根同草名同鳥下風拜爾雞冠繞斜
陽暝空階影玉纖偷染守宮難並

河傳 杜鵑花

恨汝催去纔開幾日問春何處夕陽添染滿山紅暖風
下簾歌懊惱 貪晴尋遍閒亭榭枝枝亞謝豹幾時化
晝長天拆秋千悽然空庭愁暮煙

浣溪紗 翦春羅

小院幽闌見幾叢低回那肯鬪春紅此花纔趁剪刀風
衫上雙飛描蛺蝶裙邊並蒂繡芙蓉有人輕曳下階

慵

摸魚兒 送高爽泉還武林

快仙翁一帆吹到亭皋楓醉時候東山重把瓊筵啟文
字飲交陪又慙老醜認此日容顏勝我還依舊清樽漫
鬪問繭紙鋪來鼠鬚揮罷曾放右軍手 模糊局幾箇
天涯浪走何人安飽蓬牖西湖面面開圖畫好自笑扶
筇叟呼石友到處公侯埽楊黃金壽寒潮送驟想和靖
梅花閒雲野鶴數點暗香逗

尋芳草 春分前後雨雪不止閉門坐愁恍在夢中

壽雲軒詞

卷二

四

已過好春節半甚春也與人還遠怪沈沈駐駕東皇懶
花和柳夢難喚 屈指數番風悄無語向人埋怨黯園
林漫把疎簾捲聽咒罵梁閒燕

一籬金 寄懷高爽泉

幾點寒鴉催別去連日沈陰悵望西泠路天外雪花如
掌舞高峯南北頭蒙絮 吟屋風尖冰挂柱一榻蘊紅
呵凍重簾護我夢夢君君夢否燈昏茶冷巖城鼓

徵招

風風雨雨清明近如何恁般寒峭強放杏花紅對東君

難笑傷春人已老更添了許多煩惱舊事重提夢中尋
夢亂如芳草 休問陌頭塵飴簫路淒涼燕昏鶯曉幾
處綠楊堤有蘭舟吹到曲闌終日凭但盼斷粉牆斜照
紙窗暝短檠添炷又漏籤催報

臺城路

題李旭齋紅豆詞遺稿後

平生不下窮途淚孤懷忽添淒楚白髮傷春黃蘗感逝
更讀斷腸詞句天涯倦羽有紅豆新愁自嗟遲莫寂寞
楓根冷蟾斜照一抔土 匆匆邪上握手悵相逢爾我
同是羈旅買櫝還家擁衾臥病剩放梅花空唾飄然竟
擣雲軒詞

卷二

五

去幸小令長篇已堪千古夢醒燈殘紙窗雞唱曙

八聲甘州

題竹垞太史貽兩孫分券後爲李金澗作

只叢殘一紙抵家箴遺墨閱星霜悵蕭然貧宦無多負
郭書券分將大好文孫競爽耐得澹蘼黃想見垞南北
瓦屋斜陽 并少金留詠墓但關門苦守絮語家常粥
蓬山舊事回首太茫茫幸當年青蓮交契有雲初隻字
寶琳琅

金澗係秋錦先生後

還驚喜風花寒食未替杯漿

鎖窗寒

春寒

雨凍調酥風遲破萼禁煙將近沈沈院宇惹起一番春

恨甚連宵重衾未溫睡來好夢何曾穩訝繡旂護錯闌
干東畔海棠紅褪 休問天涯信念半臂誰添帶圍瘦
損窗疏靜掩儘薰鑪香噴只園林苔徑燕飛一雙貼地
花片襯任檐頭鐵馬丁冬兀自拋琴忍

金縷曲

吟香仙館送改吟還吳江

恨殺長亭柳甚牽人來來去去浪翻萍走幾日招邀仙
館聚也算平生未有忽眼底蒲帆吹又吸月吞雲飢不
療怕依然未許柴門守君撫掌我搔首 流鶯杜宇聲
聲咒咒當年狂吟痛飲自家辜負落拓江湖同旅食何

壽雲軒詞

卷二

處曾開笑口忍說到青袍寒透遙指垂虹橋畔路待看
花更約清明後 改吟約牡丹開
時再過桐溪 莫拋卻客中友

念奴嬌

題冒巢民樸巢幽賞卷子

茫茫煙月問當年小朝廷換如何陶寫狎客平章鉤黨
酷忍淚新亭誰灑邗水通潮蜀岡連黛辦箇書巢且青
山紅粉一時重整風雅 曾說老友迦陵儒官司理修
禊開吟社塵世朝雲驚再見翠衾天寒來也圓鏡埋春
方袍葬恨我是悲歌者啼烏催暝夕陽無語西下

惜分釵

送李介石之邗上

春寒峭春愁攬竹西舊夢重尋好小桃紅又東風怪殺
催君社鼓村童蓼蘗聽啼鳥呼征棹賣文卅載江湖
老白頭翁可憐蟲一箇書囊一箇詩筒匆匆

疎影

歲壬午余館恬齋錢都轉幕中旭齋日華客
邗上幾二十年舊雨重逢握手歡甚出剡舫
早梅圖屬題久未搦管時余歸有日矣填此報
命兼以誌別

吟香屋小比米家艇子安穩猶好萼綠華繁何處春多
偏是此間開早蒲輪應詔歸來後儘位置藥鑪茶竈想
夜窗月落參橫兩兩翠禽啼曉無恙苔枝故在有人

念舊澤振觸離抱雨雪天涯夢繞吾廬幾度尋檐寒峭

擣雲軒詞

卷二

七

歸帆我約辛盤候柰判袂各嗟頽老怕笛聲吹起江樓
獨對亂峯殘照

百字令

聞蔣夢華將至桐溪詞以訝之

綠波春渺悵白石詞仙相逢遲暮竹外青山山下逕夢

裏曾經來去雅集題襟華筵投轄似舅賢甥語

夢花甥
二棧稱

述甚

江南壇坫舍君誰作盟主傳說挂席東風重三

前後定過桐溪路老去諸般都不要祇是鍾情吟侶骨

相真寒心腸偏熱肯否聯今雨燈花紅燧照人清夜歡

舞

剔銀燈

春雨

幾夜何曾睡穩又送到春寒成陣香冷薰鑪漏沈戍鼓
添了紙窗燈暈畫檐徐引算滴著心頭怎忍舊日小
樓休問且漫數杏花風信鬪草園亭聽鶯池館一搦芳
情消損聲聲淒緊料闌角蝶衣粉褪

蝶戀花

門掩梨花深夜雨無計尋春兩槩湖塘去人影衣香留
小住隔簾風細聞私語隱約窗紗遮似霧未說銷魂
已把遊人誤酒醒忽驚回首處斷腸芳草斜陽路

壽雲軒詞

卷二

八

綺羅香

柳葉含煙桃花蘸水一片鶯聲如訴踏遍長隄何處畫
船飛渡控金鉤半捲珠簾惹粉蝶亂翻釵股最堪憐萬
種風情相思寫入陳王賦春潮難載恨去縱得眼期
心諾萍踪無據澹澹春山目斷蕭娘眉嫵空錦字爲託
鸞箋總香掾難窺朱戶夜歸來門掩孤燈聽瀟瀟夜雨

雙調望江南

夏夜

空庭寂斜月照昏黃桐影窺簾移竹几蛙聲出水鬧池
塘人坐碧陰涼更漏促宵短引情長避曉丹鴛飛隔

膊懸風檐馬響丁鐺衣露淨琴張

賀新涼 送介石旋里秋試

霽色澄秋宇快橫江一帆風正新涼如許惆悵客中偏
送客況是鄉關舊侶定夢裏還家同去卅載槐花忙不
了笑平生此事真成誤重記憶幾凝佇 青蓮豪氣空
儕伍有如椽枚乘鉅筆怒濤奔赴寶劍豐城埋已久知
道天公玉汝算小劫紅羊應破畢竟文章何者是向瓊
樓須乞姮娥語黃菊候爲君舞

甘州 送錢梅岑之白下

壽雲軒詞

卷二

九

聽宵來風雨釀春寒曉起怕憑闌怎垂楊弄碧鴛鴦湖
畔又唱陽關不分征衫塵浣辛苦換朱顏帆翦一江水
落日長干 轉眼鶯花惱亂度清明佳節白下青山對
歌筵舞袖長欽莫輕彈料烏衣客棲舊巷好韶光且放
酒腸寬攜吟袂照離愁處新月彎彎

憶舊遊

平近山房余從祖涉園先生游憩所也林
屋數椽別具幽致先生沒售去己亥春仲
日暖風恬花鳥引人晚步再過不勝司馬攀條
之感爰賦此闕

向花陰叩戶小徑重尋舊夢模糊一樹垂楊柳恁風前
舞態不似當初拂簾夕陽歸燕催換幾番離嘆浩劫茫

茫煙雲過眼米老圖書 誰與更令節杯盤暇日擣蒲
記得苔茵坐話閉門無事安穩桑榆栗里林泉猶自愛
吾廬盼化鶴歸來天清夜寂明月孤

買陂塘 答張海門孝廉

正心飛弄珠樓畔朔風吹墮鴻影長篇短札殷勤寄頓
慰莫懷孤冷交久訂悵十載佳人不見煙波梗青瞳炯
炯感素髮披肩相如四壁猶記賤名姓 勞生事店月
橋霜夢醒歸來門掩三徑逢人便問張公子盼煞宴春
紅杏君試聽都說是傾城傾國何妨認庭梅早孕尙戲
糝雲軒詞

卷二

十

綵偷閒鴛湖鼓棹儂擬掃階等

蝶戀花

放艇虹涇橋畔路一水盈盈占斷凌波步金鴨焚香琴
載譜分明已是通眉語 誰信江州司馬苦淚涇青衫
潦倒今如許海闊天空迷處所楊花幾點催人去

滿庭芳

雨歇林梢風吹蘋末菜畦煙澹初晴惱人天氣依舊近
清明陌上桃嬌柳困看多少遊客逢迎平橋外輕帘遠
挂小巷賣鴛聲 閒行思那日門前繫馬花裏彈箏柰

憔悴樊川回首堪驚燕約鶯期已香開倦眼盼斷蓬瀛
點絳脣

把袂河橋試鐙風裏人初別暮雨重疊遙共孤帆滅
碧水溶溶一霎南北音塵絕歸期難決忍對東皇說

浪淘沙

獨夜

殘月上窗櫺斗轉參橫隔河漏鼓不曾停和著啼螿兼
落葉作去出聲聲舊事記零星說也難聽新寒坐久
卻難勝偏是人孤宵又永不肯天明

百字令

春事將盡懷人不來偶檢感春舊詞再錄
一過彌增幽結適墳齋以眠琴綠陰小影

壽雲軒詞

卷二

十一

索題劇談半晌燈下賦此

一庭新綠正林禽破夢起來無語飛絮飛花撩倦眼又
是江南春莫何處斜陽依然流水腸斷年時句日長門
掩好風吹到吟侶輸君苔磴支頤涼陰撲袂靜把蕉
桐撫妙想空空弦外索只此真堪千古小住雲山閒墮
猿鶴那識紅塵苦韓陵片石半生心事應訴

前調

寒鴉

西風淒緊正攜筇踏葉天寒驚見似助溪山蕭瑟意悵
雨零星飛倦不解銜蘆還疑蘸墨幾點晴香遠禿枝堪

借冷雲空罩斜岸 遙想策馬荒程啞啞聲裏太息年
光晚更有銷魂詞在流水孤村尋遍曉氣催霜暮陰釀
雪樓外珠簾捲殘鐘搖曳一羣煙際吹斷

鵲橋仙 白桃花

尋春不見銷魂無語隱約武陵溪口漁郎曾作素心人
怎未到瑤臺前後 梅妝比潔梨雲較澹認是玉容消
瘦當壚早賦白頭吟也莫說風流非舊

虞美人

春波橋外春鳧浴風皺三篙綠出門也得破愁顏又恐

擘雲軒詞

卷二

三

桃花笑客鬢毛斑 斜陽未斂新蟾唾人倚紅闌暮並
肩貪看紙鷲飛不道垂楊偏露小樓低

送入我門來

竹垞太史著書硯背有初白庵題識
時康熙丁亥歲也後爲樊榭山人所

得乾隆丁亥歲山人攜至揚州留馬氏小玲瓏
山館嘉慶己巳吾友曹三古香館邗上復於馬
氏得之古香丁亥生年分適符詢前定也古香
紀其事并索余題爲賦此闕

花散青瑤煙生紫玉寒晴幾閱星霜物是人非春夢影

茫茫詩翁留賞傳梅里更老友刊題標海昌記重逢甲

子竹西流轉完璧猶藏 驚喜珠還故處珍排倪迂闕

閣水對鴛鴦著手摩挲歲月命宮當後賢文字宗騷雅

繼前輩風流歌慨慷祝從今寶此租收石戶十倍加償
山亭宴

滿溪落葉遙峯瘦正風雨節過重九小徑一籬黃問叩
戶何人送酒闌干孤眺暮閒憑漸蕭瑟做袍寒逗幾點
見歸雅似戀著疎疎柳訪秋覓伴空搔首倚吟筇野
情辜負天亦吝佳辰怕彈指霜欺雪厚白頭難撇少年
心算健飯幾時依舊且待小春來莫把雙眉皺

滿庭芳

花事告駸况味岑寂適嘯秋自崑山歸越日招飲有預作櫻筍筵之語酒半天已昏

黑投轄留宿知日內又將買舟行矣夜三鼓牀頭雨聲浪浪觸我愁緒早起賦此亦不自知其

梅雲軒詞

卷二

三

言之黯然也

舞蝶酣紅啼鶯飽綠小園又見春殘閉門人倦幾恨獨
憑闌況是樊川老矣甚情緒還說加餐東風緊揉花弄
絮撩眼不成歡吟鷓招便去扶筇滑澆著屐蹠跚話
前塵如夢有酒須乾悵爾征衫欲脫仍空對鴛水漁竿
銀釭燼苔堦滴破終夜雨聲寒

步蟾宮

露涼夜寂疎簾捲正人坐小窗吟倦羅雲曳碧兔華明
又重把瑤編徐展銀釭照座蓮籌轉怪底光陰如箭

瓊樓玉宇極高寒，定月姊今宵偷看。

青玉案 花朝同朱半垞作

梨花落盡春過半，又苦雨連昏旦。燕子也知人意懶，雙
雙來去穿簾偷眼。故將儂喚，朦朧柳色，迷煙岸。悵
畫舫輕拋散，定有高樓凝望怨。紗窗關了坐銷香篆。暗
把韶華算。

和作

同里 朱其鏗 半垞

微陽乍上簾鉤半，正鵲語天將旦。何事重衾朝起懶，
圓冰斜裹，迷離星眼。呢個人兒喚。尋春莫誤垂楊

耨雲軒詞

卷二

十四

岸怕鬪草輕拋散，好替文園消薄怨。衣香如霧泥痕
如篆，細掐花鈿算。

南歌子

坐雨十日無處問春香坡以落梅詞見示
賦此卻寄

燕翦雲垂幕，鶯梭雨散絲。坐消香靄意如癡。閒過海棠
紅，破好春時。解得連朝悶，吹來絕妙辭。惜花情緒緒落
梅知，端整當筵拍板付歌兒。

浪淘沙

涼翠壓檐低，小小雙扉。桃根桃葉是耶非。行近藕花香
過處，風動銖衣。佯避走如飛。團扇輕攜，可人梳裏稱

時宜一樣遠山湖上色偏要看伊

醉太平

羅幃夢醒紗窗繡停落花庭院風輕弄冰絃數聲
昨夜恨平今朝怨盈玉纖寫出分明要檀郎細聽

琴調相思引

小徑風柔雨乍晴菜花香送撲簾旌便教春在已是過
清明柳絲不穿今日淚榆錢難買少年情欲眠愁殺
檐外一聲鶯

安公子

題金勒馬嘶芳草地玉樓人醉杏花天卷
子爲胡春如作

壽雲軒詞

卷二

十五

撲面東風煖玉驄緩踏香茵輒紅杏樓邊看擲果鰕鬚
齊捲帽影鞭絲掩映垂楊岸寒食近畫出春魂豔笑杜
郎何事但說芳辰銷黯酒旆斜陽閃泥人光景吟懷
亂蠶粉牆陰應羨殺穿花雙燕歸去匆匆一路飭簫遠
鬢翠重暮靄輕衫染待曲江題句那日招提遊遍

踏莎行

涼翠梢雲冷紅殢雨誰家庭院秋如許驚心簾卷又西
風倚闌凝睇斜陽暮送燕梧桐聽蛩苔塢怕吟宋玉
箋愁句斷腸湘水接天流淚珠分化胭脂土

探芳信 花朝

敞袍換柰客裏光陰夜過春半如畫梁棲穩來去舊巢
燕冶遊細數今朝事負了看花眼倚闌干淚灑東風水
遙山遠芳訊成虛盼悵絲竹園亭秋千庭院夢已無
憑愁殺夢都斷思歸總說江南好綠水鴛湖畔黯天涯
柳外斜陽一片

虞美人

倚窗雪打啣杯送別淚酸風凍邊城凝望夕陽低唱斷
楊花落盡子規啼閉門獨自雙蛾皺料是今春瘦干
壽雲軒詞

卷二

六

夏初臨

亂碧堆雲孤紅賸雨日長杳杳如年簾影搖波微風慢
颺鑪煙怪來雙燕驚眠絮雕梁似說從前垂楊陰裏天
桃花下門掩秋千供愁山色濺恨江聲洗將鴿硯寫
上鸞牋刀環便準清霜早染華顛好夢難圓漫隨伊蝶
舞闌邊問青天斜陽疑佇客況依然

步蟾宮

送戚曼亭入都秋試

輕衫窄袞雕鞍控正一路棟花風送驪歌休作斷腸聲

看行到金鼇玉竦 青瞳綠鬢人中鳳江管昨宵紫夢
天邊月殿極高寒快抖擻梯雲小宋

浣溪紗

曲沃縣中寄懷諸同人

悵望南來社燕飛尋秋獨客漫留題登山臨水總悽其
浪打浮萍纔會合風吹落葉又東西五更喚夢怨荒

雞

石州慢

七夕感賦

今夕何時風露滿天秋思無限披衣小坐深更漸覺玉
繩低轉魚雲不動亙古一抹銀潢雙星例許幽情戀便
靄雲軒詞

卷二

七

易鵲橋傾勝人間鴛鴦 悽斷梧桐月底茉莉花邊那
時庭院碧落黃泉空曠淚珠盈串年來年去耐得襍被
天涯流螢孤照吟窗畔八載怕重提說梁家眉案

虞美人

落紅滿地春歸去害殺啼鶯苦苔階悄立法衣單陣陣
棟花風緊晚來寒 曉梳懶照青銅冷漫把愁苗省見
時歛笑又回頭只怕有人故喚上簾鉤

石州慢

花朝

作弄東風芳草又青天末羈旅邊城雨度花朝潑水峭

寒猶亘征衫黯澹只賸點點啼痕他時說與離懷苦有
夢到伊邊儘危峯飛度 何處綠楊樓角紅杏牆陰幾
番疑佇尺素經年目斷南來鴻羽沈腰寬褪漫望客裏
加餐相逢定惜顏非故容易月黃昏最愁人更鼓

行香子

寒食

煙柳絲長油菜花香好鴛湖蘭漿芳塘幾家上塚挈榼
提筐記拜苔茵供麥飯奠椒漿 寒食荒岡遊子他鄉
慘松楸冷了斜陽甚時歸去整頓行裝奈夢飄飄心惻
惻足俵俵

耨雲軒詞

卷二

六

水龍吟

上巳

異鄉又度重三愁中負了看花眼素衣塵沈柴門萬里
斷山遮亂況是江淹連朝賦別故園親串時錢方伯引
疾歸田幕中
諸同人俱
隨南返 怪鶯兒燕子留人不住空調舌闌干畔 無
賴談詩說劍好韶光東風吹換白頭似此問卿何事天
涯羈絆夜枕晨窗枯禪模樣眠餐誰管悵無言獨自幾
番搔首把平生算

浣溪紗

小徑煙荒碧蘚封夜來簷鐵響丁冬那堪重憶舊籬櫳

飛絮有情愁著雨落花無語慣隨風征衫贏得淚珠紅

滿江紅 客中述懷寄徐敏堂

大地茫茫撐雨眼亂愁填臆怎捱過閒宵清晝醉魂吟
魄看劍依然肝膽露聽歌無那頭顱白問蒼天天亦笑
儂癡誰憐得 仙佛夢摧鵬翼衣食債爭雞肋更青山
黃土愴懷今昔風月輸他垂釣叟莼鱸老我登樓客撥
銅琵琶恨告徐陵將書擲

浪淘沙 畫蟹

藕雲軒詞

卷二

九

蘆荻響蕭蕭風捲涼潮季鷹秋夢憶歸橈底事莼鱸拋
不得忘了霜螯 佳節正題糕日淡天高猜量雋味五
侯庖聞道尖團堪換取誰是詩豪

憶江南

言歸未遂百感都來月落更殘蟋蟀絮戶
坐吟達旦得憶江南五闋寄示家人俾知
昧然來此者又將浩然去此矣

南湖好春水綠波生兩岸菜花風裏蝶一堤楊柳雨中
鶯佳節正清明

南湖好纔過熟梅天水滿荷塘飛白鷺日斜秧隴叱烏
健銷夏北窗眠

南湖好水閣早生涼紅蓼白蘋秋入畫青菱紫蟹夜飛
觴容爾作詩狂

南湖好刈稻話年豐三白酒清煨芋下雙藍布樸木棉
縫怎底笑東風

南湖好何事滯天涯驚看篷車山路騁苦思蘭漿水鄉
搗夜夜夢還家

百字令 贈王石華

寒窗愁絕驀青山送到烏衣才子寶劍豐城埋不得橫
埽塘螂張臂薄宦憐君浪遊笑我三晉黃塵地酒醒人
壽雲軒詞 卷二 二

遠一鞭斜照行矣 嘗說會少離多同心郊島尤惹天
公忌惱恨鴛湖甥館住 石華以外舅言司馬自常熟移
居禾郡東門外嘗館留歲餘

未訪柴門花底轉眼春風當頭明月好信憑鴻寄頌椒
燈地玉梅香動吟几

醉太平 暮賦呈平陽太守王鶴亭茂松

乾坤道隆河山氣雄萬家臘鼓蓼蓼報祈年屢豐 黃
堂巨公烏衣右宗天教化蜀文翁荏陶唐舊封

花輒曉陽蘭臺曉霜一官之任巖疆作彌陀道場 簿
書恁忙吟編恁香春風春雨甘棠聽茅檐話長

椿庭快趨萱闈笑扶錦袍綵戲紅瓊問堂前起居 掌
珍寶珠眉開畫圖華燈團飲屠蘇算神仙也無
芻尼報晴勾芒拜迎使君琴鶴隨行與梅花比清 彩
雲瑞呈條風煖生弦歌一片春聲賀堯天太平

戀情深 雨中送春

歲歲銷魂無處說奈芳菲歇酒醒休去倚闌干雨聲寒
韶華如水復如煙鏡裏換朱顏小徑臥紅堆碧忍回
看

長相思

送金馨吾旋里馨吾陝西長安人幕遊山
右任書啟事十餘年矣每歲主人封篆後

壽雲軒詞

卷二

三

還家開篆前至幕賦此送之亦以見賣字生涯
如此其勞苦也噫

出潼關入潼關行李蕭蕭歲又闌長途風雪寒 面南
山背南山臘尾春頭去復還問君何日閒

憶秦娥

春雲膩一簾絲雨東風細東風細江南二月杏花開未
悶來頻把闌干倚那人尺素從頭記從頭記淪麋淡

淡加餐兩字

掃花遊 題美人葬花園

綵霞易散悵小院無人昨宵風雨一聲杜宇喚繁華夢

醒頓添悽楚試捲湘簾暗裏偷垂玉筋繞芳樹便萬遍
尋思難挽伊駐香魂何處去算薄命年年斷腸春暮
怕羅裏取任天荒地老白雲黃土來歲清明酌酒問誰
醉汝獨疑佇話三生別離情苦

河傳

夢覺情悄撲簾絮影又驚春老惜春心事有誰知似癡
那堪人去時番番花換番番恨東風困換到荼蘼信
近昏黃繞迴廊斷腸杜鵑啼夕陽

鳳凰臺上憶吹簫

寄懷張叔未

梅雲軒詞

卷二

三

堆碧鶻愁墮紅蝶怨風光又是春殘柰素心人遠獨自
憑闌惆悵離多會少蠻箋字各問眠餐還僥倖晨星幾
箇爾我平安遙看莫雲去鳥吹夢到吟堂簾挂餘寒
想貓頭新笋欲化琅玕拋了楸枰一局騰墨海蛟舞龍
蟠空疑佇桑陰接岸煙水漫漫

薦金蕉

憶三兒客粵西

無風無雨重陽近遞到東籬信河山萬里互清秋雁叫
霜天苦爲稻梁謀

西江月

庭外風清雨細窗中月暗燈孤秋來滋味苦邊多還有
蛩聲更苦 屈指雙星渡漢驚心一葉飄梧涼生端整
薄衾鋪不道今宵又錯

摸魚子 七夕前一日小窗獨坐

捲疎簾晚來孤坐晴開闌角斜照浴階小朵紛淒豔認
是一庭秋草看也好儘浙浙西風何事東風鬧梧飄葉
老漸金井催蛩銀潢駕鵲定惹玉人笑 繁華夢休說
堂深閣窈柴門偏愛涼早蕭騷霜鬢朱顏換賸有四愁
吟稿拋不了還只望全家飽飯紅蓮稻清閒衰抱問陟
梅雲軒詞

卷二

三

岫天涯千山萬水鴻雁幾時到

工部句

入歸 京口歸舟

顛風斷渡驚濤衝岸孤艇更繫今夕婆娑老柳嗟衰矣
何況北行南走十年爲客浪喜醉紅雙頰在早鏡裏朱
顏非昔漫獨自到處登樓顧盼感蕭瑟 難覓銀章紫
綬應須歸去把取荷衣重葦翠箏蟬鬢錦笺烏帽夢醒
江亭長笛向蟾蜍說與莫傷愁宵淚清滴沈吟算古來
原有賣賦相如還家空四壁

小重山 重陽後三日斗室枯坐賦此遣懷

菊又黃華楓又丹重陽挨過了已秋殘木棉裘薄不勝
寒風簾櫳獨自暮憑闌 猶記唱刀環太行山色裏跨
征鞍歸來贏得鬢毛斑謀生拙惆悵路漫漫

摸魚子

中秋後二日天宇晴碧涼風灑林同人遊
查友山給諫吟墅歸述園林勝慨余病不
克偕往快然賦此

翦羅雲塞鴻晴曳西風涼送庭戶尋秋那得閒亭館商
畧鴛湖東去開別墅似綠野平泉鶴笑仙翁住垂楊倦
舞任池藕飄紅井梧墮碧叢桂正香唾 樓臺靜石罅
苔蛩細語闌干憑徧凝佇衫痕扇影斜陽外畫爾踏莎
壽雲軒詞

卷二

七

幽步歸儘暮待玉兔東升分照溪橋路維摩病苦聽鄰
寺清鐘望衡咫尺勝賞笑龔龔

前調

偶過化城庵水閣

指茅庵路紆溪靜何人來訪深處西風有約先秋到忽
送一天涼雨窗外樹聽萬葉搖空撼撼蕭蕭語鑪香半
炷已塵夢都消鬢絲禪榻獨會此情緒 拋紈扇欲把
輕衫換芋闌干憑久凝佇圖開顛米癡雲散漸放夕陽
催莫村屋露見幾縷炊煙林岸農家聚嘶蟬似訴正茗
話將歸衝泥著屐又打梵堂鼓

酷相思

苦雨不止坐愁春去懷蓋軒表叔

萬樹楊花飛不起漲幾尺芳池水悵終日闌干空獨倚
春去也門須閉人倦也門須閉 屈指吟明星散矣漫
滴盡相思淚柰城北詞仙來又未閒殺也黃昏裏愁殺
也黃昏裏

金縷曲

答沈花農漢上札

一紙霜鴻遞話年來萍踪逐浪漸消英氣又說天涯相
憶苦雲樹都添別思并戀戀貧交餘子鄂渚蒼茫煙水
闊望鄉關黃鶴樓頭倚吟篋富且聊爾 并州老我馳

壽雲軒詞

卷二

七

單騎笑還家東津破屋舊甍重理回首邗溝燈火夜街
鼓聲猶在耳悵夢裏光陰如駛江上歸舟何日到怕相
看各訝容顏異門兩板待君啟

水龍吟

仲冬二十日榆兒赴湖北邵丹畦觀察幕
去後寄示兼以慰之

一程程遠鄉關長江歲晚寒無那潮聲東走漫空絮影
篷窗敲坐未識羈愁出門惘惘今番真箇定雙姑含笑
也憐遊子神雅噪迎征柁 黃鶴樓高風大撼危闌洪
濤掀簸沈戈赤壁陣雲晴埽劫銷烽火七尺男兒讀書
不得怎甘飢餓屬天涯陟岵休教望眼把鮫珠墮

徵招 寄懷江湘雲客鄂渚兼祝六十

漢江煙水連天遠，游踪笑騎黃鶴賦。就好襟懷仗琴囊，
書囊前塵皇子閣。算今昔幾年羈託，面識偏遲心儀最。
早杖鳩嗟各，家住古杭州。湖山繞吟窗，月簾風幙似。
此不歸來問緣何，留著酒朋粉社約。有松菊延齡杯酌，
悵翹首楚岫遙遙，被白雲遮卻。

漢宮春

久雨初霽煙景動人回憶舊踪悵然賦此

九十韶華已平分，一半瞥眼須臾。愁看落梅過後雨，暗
窗疎柳擧杏，困問蘭橈，曾泛南湖春興。減年年歲歲不
壽雲軒詞

堪白盡頭顛，休說當時歡聚。柰重經門巷，怨殺啼烏
人間幾回聚散，舊夢難蘇。尋芳伴侶，悵清明墓草淒紆。
空想像斜陽影裏，鶻簫吹暖，煙蕪。

八聲甘州

題沈鶴田垂釣圖遺照

悵當年華屋換山邱，想像舊鬚眉。溯論交杵臼，春花秋
月，暇日銜杯。一霎聲悽怨，笛暮草長萋。惟有石雲蔭說
與人知，爲憶高樓下榻，慣夜寒。課讀燈影迷離，歎黃
鱸已渺，往事不堪提。看圖中沿溪松竹，算幾回垂釣晚。
風時嗟，余老把晨星，數雪鬢雙披。

西地錦 客館夜起

柰此夜寒風雨坐殘更無語醉鄉戶閉睡鄉路梗又荒
雞催曙 總被儒冠輕誤況年華如許蘆灘餌鰕秧膾
跨犢算生涯隨處

雨中花 花朝前後連日陰雨

春色三分來悄悄竟添作十分懊惱杏困啼紅柳顰恨
碧瑟縮餘寒峭 繡陌香溪人影杳更莫問蝶酣蜂飽
溼砌堆煙昏簾鎖霧打疊箋愁稿

滿庭芳 賦仲秋旦暮景色

壽雲軒詞

卷二

七

巖桂舒香海棠吐豔襲人涼透西風羅雲捲碧倒影水
連空一霎蕉窗作去 雨旋斜日又挂疎桐難摹處征鴻
幾點著意寫秋容 村村秔稻熟量升論斗預話年豐
更宵漁荻港岸嘴燈紅佐酒青菱紫蟹數鄉味只許吳
儂三更坐啼蟹絮月身在玉壺中

浪淘沙

難掃一天愁不上簾鉤香燒銀鴨麝煙浮凍殺畫梁雙
燕子守住妝樓 溪漲碧於油紅杏枝頭垂楊空繫木
蘭舟鬪草去年寒食路說甚前遊

八聲甘州 題幸雲苞蠶篁圖遺照

聽瀟瀟風雨夜鳴秋脩竹幾竿存想誅茅卜築鯁簾烏
几讀史評文更有羊求還往翦燭夜開尊翠葺天寒杏
霜月當門 忍說槐黃促夢悵西冷返棹便賦招魂看
倪迂閣閣慢任承塵縱篔簹春雷迸土歎經年鶴化谷
中人斜陽暝看題詩一片蒼雲

范 熨佩蓮

受業許廷梧碧山全較訂

謝福思鏡人

樗雲軒詞

卷二

三

憶自嘉慶戊辰歲榴從夫子受舉業夫子不欲以文章

自命平生精力於詩學尤加邃密宗法悉本唐人至樂

府古詩尤得力於漢魏諸名家大抵專尚性靈熟嫻音

節如集中述哀婦墓悼亡諸作託諸比興尤覺性真流

露情見乎詞深得三百篇之遺意焉若詩餘則與玉田

生白石齋相頡頏專以選詞命意爲主不捨前人牙慧

所著詩詞脫稿不甚自愛類皆散置篋中未嘗彙編成

帙榴與夫子相處七年較諸同門年最久契最深迺自

睽隔程門各以硯田生活散處他方而夫子中年運蹇

壽雲軒詩詞

跋

一

屢遭事故遷徙靡常底稿旣多散失嗣以貢入成均後

應同里錢榆庭方伯之聘幕遊山右行篋往來又多遺

軼迨暮年息轍家園風雨閉門以吟詠自遣每恨知交

零落商定乏人浪擲案頭半爲他人攜去哲嗣夢餘茂

才負米遠遊不獲常侍膝下爲老人作鈔胥以冀傳諸

奕禩偶語及此輒爲嗚咽久之道光甲辰冬夫子年七

十有九返道山夢餘聞訃星旋讀禮之餘亟按遺稿僅

得十之三四錦碎珠零頗難編次正思哀輯鈔存燭榴

分校而終其事而祥琴旣鼓又復飢驅遠道惘惘出門

回思榴 頁笈之年甫經舞勺猶恐記憶不真惟就所素

知者畧分時事先後質諸家可叔兄稍加點定擇其尤
者錄存之而殘缺失次仍不免焉則皆予小子之過也
顧念我夫子篤孝友重故交遇人有過必正色厲聲以
直告之而情深意摯有時菩薩低眉又不似金剛努目
是其行誼之合於古人者皆卓卓可傳豈惟以詩文見
重哉而詩以言志亦足窺見生平與其奉爲家藏僅貽
後嗣曷不梓以問世謹俟輜軒之採擇乎丁未冬夢餘
歸自嶺南偕其從弟蘭友雲籬兩茂才共相編輯古今
樽雲軒詩詞

跋

二

爾

道光丁未年霜降日受業門人徐榴生百拜謹識



